

Севара КЕНЖАЕВА

КЎКЛАМ ЁМФИРИ

МАJBURIЙ NUSXA

Қарши
«Насаф» нашриёти
2013

84(59)7 - 435.0808.

УЎК Ўз.2

КБК 84 (5Ўзб)-3

К 38

Ёш қаламкаш Севара Кенжаева
шеърят бўстониға эндиғина қадам
босаётган умидли ёшларимиз вакилидир.

Ижоднинг машаққатли ва масъулиятли
йўлларида унга сабр-матонат, ўқиш,
ўрганиш доимо ҳамроҳ бўлсин.

Ю 41401
0

2013/91 А 6765	Alisher Navoiy nomidagi O'zbekiston MK
----------------------	--

К 4702620202-27 27-2013
376 (04) 2013



С. Кенжаева, 2013 й.



«Насаф» нашриёти, 2013 й.

ISBN 978-9943-18-130-4

ШЕР БИЛАН ЧУМОЛИ

Бор экан-у, йўқ экан,
Оч экан-у, тўқ экан.
Қадим ўтган замонда,
Олис бир юрт томонда.
Қаттагина ўрмонда,
Шер бор экан мақтанчоқ.
Гердайиб юрган ҳар чоқ.
Ҳеч кимни писанд қилмас,
Бировдан кам деб билмас.
Беллашувга чорлар у,
Йиғар барча ўрмонни.
Ҳеч бир ҳайвон келмаскан,
Юраги дов бермаскан.
Ўтаётиб у сари,
Гапнинг нималигин.
Билмай қолди чумоли,
Тушунмасдан у гапга.
Аралашди суҳбатга,
Шер дер: Мард борми, қани?
Шунда дебди чумоли.
Сен билан беллашаман,
Керак бўлса синашаман.
Буни эшитибон шер,
Хандон отиб кулибди.
Сен-чи чумоли, менга,
Тенг бўласанми дебди.
Чумоли сўзидан қайтмас,
Шердан бўлса ҳеч қўрқмас.
Шер-ла беллашув бошлар,
Доим олға интилар.

Шер дебди: Айт ниятинг,
Бажараман мен шартинг.
Мард деб билиб ўзини,
Чумоли бошлар сўзини.
Вазнга тенг бўлган юкни,
Кўтарайлик икковлон.
Бор шартинг шуми ҳали,
Борайлик хўп сен сари.
Юк тишда кўтариб,
Зарб билан ерга қўйиб.
Яна қандай шартинг бор,
Бошла мен бунга тайёр.
Шунда дебди чумоли,
Юкни вазни ўзгаради.
Кучлар энди тезланади,
Шер бу шартга қўнибди.
Кўзлар қонга тўлибди,
Шартни бажармоқ учун.
Сарфлабди у бор кучин,
Аммо эплай олмабди.
Энди мағрур бўлмабди,
Ўрмон аҳли қулибди.
Шер уялиб қолибди,
Энди сира мақтанмас.
Ҳеч кимга озор бермас,
Дерлар ҳеч ҳам мақтанма.
Ўзингни мард деб билма,
Сен ҳам шердайин бўлиб.
Кейин ўйланиб қолма,
Халқда бордир бир ҳикмат.
Мақтанганда кетар ҳурмат.

БАҲОР ЯҚИН, БАҲОР ЯҚИН, ДЎСТЛАРИМ

Уфқдан аста бош кўтарар қуёш,
Хурсанд бўлар бундан барча ёш.
Тоғлар тўкар маржон-маржон тош,
Баҳор яқин, баҳор яқин, дўстларим.

Ниҳолчалар ўсади қувнаб,
Боғ-у роғлар кетади яшнаб.
Юртимизга гуллар қўшади чирой,
Баҳор яқин, баҳор яқин, дўстларим.

Ёш-у қари хурсанд бўлади,
Шоҳда булбул қувнаб сайрайди.
Ҳамма шодон ўйнаб кулади,
Баҳор яқин, баҳор яқин, дўстларим.

Қалдирғочлар келади учиб,
Ер-у осмонни бирдайин қучиб.
Бойчечак кўтарар ердан бошини,
Баҳор яқин, баҳор яқин, дўстларим.

Боғда боғбон гул экар териб,
Ҳар ниҳолга ўз меҳрин бериб.
Дехқон бобом ишлар тер тўкиб,
Баҳор яқин, баҳор яқин, дўстларим.

Ерларга тўшалди ям-яшил гилам,
Булут ҳам шошилиб елар жуда ҳам.
Орзиқиб кутадиган келади фасл,
Баҳор яқин, баҳор яқин, дўстларим.

ДУО ҚИЛИНГ, БУВИЖОН

Оиламизда тинчлик бўлсин,
Ҳамма шодон ўйнаб кулсин.
Ҳеч ким қайғу чекмасин,
Дуо қилинг, бувижон.

Осмонда порлайди юлдузимиз,
Тинч ўтсин ҳар бир кунимиз.
Гулласин обод диёримиз,
Дуо қилинг, бувижон.

Мен ҳам орзумга етай,
Бобомдек устоз бўлай.
Сизга мен суянч бўлай.
Дуо қилинг, бувижон.

Мени кутар улкан зафарлар,
Қанча-қанча оғир синовлар.
Дуонгиз менга ёр бўлгай,
Дуо қилинг, бувижон.

Дуоларингиз дунёни асройди,
Юртимиз шундан яшнайди.
Набирангиз сизни жондан севади,
Дуо қилинг, бувижон.

БУ НАВРЎЗДАН БЕРАР ДАРАК

Баҳор келиб юртимга,
Қуёш нур сочади ўлкамга.
Гул тақаман сочимга,
Бу наврўздан берар дарак.

Дошқозонда қайнар сумалак,
Бу баҳордан берар дарак.
Кўкда қушлар парвоз қилар,
Бу наврўздан берар дарак.

Тоғда қорлар эрий бошлар,
Жилғалар ҳам тўлиб тошар.
Бундан хурсанд барча ёшлар,
Бу наврўздан берар дарак.

Байрамларга кон бу фасл,
Ҳамма шодон қувнар аҳил.
Шамол шошиб елар ахир,
Бу наврўздан берар дарак.

ЎЗБЕГИМНИНГ ҚИЗЛАРИГА

Мадҳ айлайсиз шўх иболи сўзларига,
Тан берасиз ўзбегимнинг қизларига.
Лол қоласиз ширин суҳан сўзларига,
Кулганида, ўзбегимнинг қизларига.

Зулфиядек бўлиш улар орзулари,
Нодира-ю Увайсийнинг авлодлари.
Асал каби ёқар уларнинг сўзлари,
Тан берасиз ўзбегимнинг қизларига.

Зухро юлдуз бўлиб порлар кўкда улар,
Хаммага тенг ширинсухан, меҳрибондир.
Юртимнинг келажаги нурга тўлар,
Толе кулса ўзбегимнинг қизларига.

Бу қизларга қанча шеър битсангиз кам,
Қоматлари гўзалликда тенгсиз кўркам.
Шоирлар назмида кўрган эҳтиром,
Тан берасиз ўзбегимнинг қизларига.

КЎКЛАМ ЁМҒИРИ

Кўм-кўк дала ҳусн очар,
Юртга гўзал чирой қўшар.
Дехқон бобом хурсанд бўлар,
Ёққанида кўклам ёмғири.

Ниҳолчалар юзин ювади,
Дарахтлар чангин қувади.
Шамол ҳамон шошиб елади,
Ёққанида кўклам ёмғири.

Уни дерлар қут барака элчиси,
Баҳорнинг шодон, уйғун кулгучи.
Янграйди қушларнинг гўзал навоси,
Ёққанида кўклам ёмғири.

Осмонда турар малак,
Уни дерлар камалак.
Юртим яшнаб кетади,
Ёққанида кўклам ёмғири.

ЮРТИМ КУНДАН-КУНГА ОЧМОҚДА ЧИРОЙ

Кўкда порлайди юлдуз бирлан-ой,
Кириб келмоқда юртга баҳорой.
Юртим менинг гўзалликка бой,
Юртим кундан-кунга очмоқда чирой.

Осмонўпар тоғлари бор жуда кўркам,
Гўзалликка бойдир менинг нурли ўлкам.
Боғларида очилиб гуллари кўркам,
Юртим кундан-кунга очмоқда чирой.

Гўзал иморатлар қад ростлаган бу,
Тенги йўқдир юртим бутун дунёда.
Диёрим менинг юртлар ичра зиёда,
Юртим кундан-кунга очмоқда чирой.

Мевалари бор ширин шарбатли,
Тоғлари бор жуда ҳайбатли.
Инсонлари борки заҳматли,
Юртим кундан-кунга очмоқда чирой.

СУМАЛАҚДИР ЕТТИ МАЛАК

Дошқозонда қайнар сумалак,
Хурсанд бўлар ёшу кексалар.
Бу наврўздан бероди дарак,
Сумалақдир етти малак.

Атрофида жам бўлишиб болалар,
Айтарлар қўшиғ-у яллалар.
Хурсанд бўлиб сайрар булбуллар,
Сумалақдир етти малак.

Мазали-ю тотли бўлар,
Юртимга гўзаллик мангу ярашар.
Уни есанг кўнглинг тўлар,
Сумалақдир етти малак.

Дошқозоннинг бошида туриб,
Эзгу ният қилади барча.
Юртга тинчлик тилар кекса-ёш,
Сумалақдир етти малак.

ҲОРМАНГ ЭНДИ, ДЕҲҚОН БОБОМ

Қуёш нурин сочмоқда,
Дарахт куртак очмоқда.
Деҳқон далага кетмоқда,
Ҳорманг энди, деҳқон бобом.

Боғда булбул сайрайди,
Гул очилиб яшнайти.
Деҳқон ишин бошлайди,
Ҳорманг энди, деҳқон бобом.

Далага хусн кўшар деҳқон,
Тиним билмас ҳатто боғбон.
Юртим яшнагайдир ҳар замон,
Ҳорманг энди, деҳқон бобом.

Кўркам қилдингиз ҳовли боғларни,
Яшнатдингиз нурли тоғларни.
Обод этиб ер-у заминни,
Ҳорманг энди, деҳқон бобом.

ЮРТИМИЗГА БАҲОР ЯҚИН

Дарёлардан сув шаркираб оқар,
Қушларнинг овози кўнгилга ёқар.
Дошқозонда сумалак қайнар,
Юртимизга баҳор яқин, баҳорой.

Бойчечак кўтарар аста бошини,
Қуёш замин узра улашар нурин.
Юртим кундан-кунга очар чирой,
Юртимизга баҳор яқин, баҳорой.

Қалдирғочлар парвоз этади,
Бизларга қувонч улашар.
Ҳар бир инсонга кулгу ярашар,
Юртимизга баҳор яқин, баҳорой.

Дарахтлар очмоқда майин куртаклар,
Уйғонмоқда гўзал чечаклар.
Бобом айтар турли эртаклар,
Юртимизга баҳор яқин, баҳорой.

Наргис, бинафша, атиргуллар,
Турли рангда товланар улар.
Момом айтар турли яллалар,
Юртимизга баҳор яқин, баҳорой.

Ям-яшил бўлар далалар,
Тоғларда очилгай лолалар.
Қувнаб ўсар шодон болалар,
Юртимизга баҳор яқин, баҳорой.

БИЗ КЕЛАЖАК ЁШЛАРИДИРМИЗ

Улғайиб ўсяпмиз шод қувноқ,
Бизнинг бурчимиз билим олмоқ.
Юртимизга муносиб бўлмоқ,
Биз келажак ёшларидирмиз.

Гулласин доимо диёримиз,
Қувноқ ўтар ҳар бир кунимиз.
Юртга муносиб бўлиш орзумиз,
Биз келажак ёшларидирмиз.

Ватан ягона, Ватан биттадур,
Шудир бизнинг улкан шиоримиз.
Орзумизга етиш сари интиламиз,
Биз келажак ёшларидирмиз.

Барча имконият бизларда,
Фаровон ўғил-у қизларда.
Гулласин обод диёримиз,
Биз келажак ёшларидирмиз.

ҚАНИ ЭНДИ ОРЗУМГА ЕТСАМ

Жажжи болаларга таълимлар берсам,
Мурғак қалбларида меҳр уйғотсам.
Ватаним олдида бурчим оқласам,
Қани энди орзумга етсам.

Меҳр билан боқсам ҳар бир болага,
Таълим берсам мен ҳам комил авлодга.
Бобомдек оқила, зўр устоз бўлсам,
Қани энди орзумга етсам.

Гуллатсам, яшнатсам меҳр боғини,
Барча ёш авлоднинг илм ўчоғини.
Юртимга муносиб мен устоз бўлсам,
Қани энди орзумга етсам.

ВАТАН, МЕНИНГ ҚЎРҒОНИМСАН

Ватан, ўзинг яғонамсан,
Мағрур турган остонамсан.
Гуллаб турган чаманзорсан,
Ватан, менинг қўрғонимсан.

Сен ҳаммага тенг маконсан,
Булбулларга ҳам ошёнсан.
Халқимнинг суянган нурли тоғисан,
Ватан, менинг қўрғонимсан.

Ҳар бир юракларда мангу яшайсан,
Ўзбек халқим яшаб турган маконсан.
Келажаги порлаб турган маконсан,
Ватан, менинг қўрғонимсан.

ГЎЗАЛ МЕНИНГ МАҲАЛЛАМ

Тинчдир ҳар бир оилалари,
Ўсмоқдадир болалари.
Бўй кўтарар ниҳоллари,
Гўзал менинг маҳаллам.

Қушлар баланд парвоз этар,
Боғда булбул майин сайрар.
Доим тинчлик куйин куйлар,
Гўзал менинг маҳаллам.

Ҳар бир ишда жам бўлишар,
Меҳнат учун бел боғлашар.
Катта-кичик ҳурмат қилар,
Гўзал менинг маҳаллам.

Момоларим бўлсин дуода,
Инсонлари қўли кўксида.
Тинчлик сўзи улар куйида,
Гўзал менинг маҳаллам.

Баланд тоғлар кўриниб турар,
Маҳалламга чиройин кўшар.
Дарёсидан сувлар оқар,
Гўзал менинг маҳаллам.

Бағрингда мен ўсяпман,
Сенга шеърлар битяпман.
Албат номингни битяпман,
Гўзал менинг маҳаллам.

ЖОНАЖОН МАКТАБИМСАН

Сен томон интилар юрак,
Ўқишдир бирдан-бир тилак.
Аъло ўқиш бурчимиз,
Жонажон мактабимсан.

Гул очилар боғингда,
Кулгу янграр бағрингда.
Болаларинг шўх-шодон,
Жонажон мактабимсан.

Билимга кон маконсан,
Ҳаммага кенг ошёнсан.
Илм олдим бағрингда,
Жонажон мактабимсан.

Устозларинг меҳнаткаш,
Билимга бой жафокаш.
Тиним билмас эрта кеч,
Жонажон мактабимсан.

Мактаб азиз қўрғонсан,
Бизга доим боғбонсан.
Билимга кон маконсан,
Жонажон мактабимсан.

Мактаб, илм ўчоғисан,
Устозларим маконисан.
Менинг билим даргоҳимсан,
Жонажон мактабимсан.

КЎКЛАМ ЎЗИН СЕПИН ЁЙДИ

Ям-яшил бўлди далалар,
Очилди тоғларда ифорли гуллар.
Қувноқдир барча болалар,
Кўклам ўзин сепин ёйди.

Дарахтлар куртак очмоқда,
Қуёш ҳам нурын сочмоқда.
Қушлар сайрар баланд шохларда,
Кўклам ўзин сепин ёйди.

Чучмомо баҳор элчиси,
Қалдирғоч унинг куйчиси.
Боғлардачи гул очилмоқда,
Кўклам ўзин сепин ёйди.

Келар баҳорнинг ҳавоси,
Қушларнинг шўх-шўх навоси.
Чараклайди нур қуёши,
Кўклам ўзин сепин ёйди.

Қозонда қайнар сумалак,
Бу наврўздан берар дарак.
Очилмоқда бойчечак,
Кўклам ўзин сепин ёйди.

ИЛК САБОҚНИ БЕРГАН УСТОЗИМ

Эркалатиб кўлимдан тутган,
Бизга доим меҳрибон бўлган.
Ўқиш ва ёзиш илмин ўтгатган,
Илк сабоқни берган устозим.

Ўқувчим, ўз болам, деб эркалаган,
Бизларга, юракка меҳрини солган.
Илк бора қўлларга қалам тутқазган,
Илк сабоқни берган устозим.

Мақтабга бормасдан бетоб бўлганда,
Онамдек бошимда мағрур турганда.
Ширин сўз билан дардимиз олган,
Илк сабоқни берган устозим.

Биз шодлансак, доим шодланган,
Алифбони бизга ўргатган.
Сўзларида маъно мужассам,
Илк сабоқни берган устозим.

Хар дам чақнаб турар кўзлари,
Доим бизга ёқар болдек сўзлари.
“Билимли бўл”- насиҳатда ўзлари,
Илк сабоқни берган устозим.

Устозимдир йўлчи юлдузимиз,
Порлаб турган илк бор қуёшим.
Қабул этинг менинг таъзимим,
Илк сабоқни берган устозим.

ЯГОНАМСАН, МУҚАДДАССАН, ВАТАНИМ

Узоққа кетсам сени эслайман,
Тупроғинг исини ҳар он кумсайман.
Сен учун меҳрим ўзгачадир ҳар дам,
Ягонамсан, муқаддассан, ватаним.

Доимо болаларинг шўх ва шодон,
Ҳар кўчаларинг кенг ва фаровондир.
Хушчақчақ инсонларинг меҳрибондир,
Ягонамсан, муқаддассан, ватаним.

Боғларингда сайрар шўх булбулларинг,
Бағри кенгдир, меҳнаткаш инсонларинг.
Хушбўйдир доим гул-у райҳонларинг,
Ягонамсан, муқаддассан, ватаним.

Сенинг доим боғ-роғларинг гўзалдир,
Олма анорларинг бол-у асалдир.
Сенинг бағринг обод ва кенг макондир,
Ягонамсан, муқаддассан, ватаним.

ЮРТИМ ҚАЛҚОНИДИР ЎШАЛ ЙИГИТЛАР

Дилларда олов ўти чакнайди,
Улар ила юрт тинчлиги яшнайди
Элим ор номуси ботир ўғлонлар,
Юртим қалқонидир ўшал йигитлар.

Тинчликни кўнглига жо айлайдилар,
Юрт ишига доим бел боғлайдилар.
Доим эзгуликка чоғланадилар,
Юртим қалқонидир ўшал йигитлар.

Чегарачи аскар юртим посбони,
Улар эрур Ватанимнинг қалқони.
Доим марду жасурдирлар улар,
Юртим қалқонидир ўшал йигитлар.

Қадамидан доимо ўт чакнайди,
Ватан олдидаги бурчин оқлайди.
Халқи учун жонларини берарлар,
Юртим қалқонидир ўшал йигитлар.

Элу юртнинг тинчлиги учун,
Сарф қиларлар бор кучин.
Чегарада доим сергак турарлар,
Юртим қалқонидир ўшал йигитлар.

ХУРСАНД ОТА-ОНАМИЗ

Доим бизлар соғ бўлсак,
Юрт ишига шай турсак.
Уларни ҳурмат қилсак,
Хурсанд ота-онамиз.

Ўқисак-у илм олсак,
Доим олдинга юрсак.
Кучли бақувват юрсак,
Хурсанд ота-онамиз.

Ишласак чарчамасдан,
Ҳеч ялқовлик қилмасдан.
Турсак қуёш чиқмасдан,
Хурсанд ота-онамиз.

Доим мақтов эшитсак,
Уларга суянч бўлсак.
Ёмон кунда ёндошсак,
Хурсанд ота-онамиз.

МЕНИНГ ЎЛКАМ

Дарёсидан оқади шаркираб сувлар,
Боғларида сайрайди шўх-шўх булбуллар.
Тоғларида эсади илиқ шамоллар,
Ўзалликка мангу бой менинг ўлкам.

Булут сузиб юрар кенг осмонида,
Турли қушлар қанот ёзар самосида.
Хушбўй гуллар очилгай кенг боғида,
Ўзалликка мангу бой менинг ўлкам.

Бу дунёда тенги йўқ менинг ўлкам,
Тоғлари-ю боғлари нурли кўркем.
Ўзга юрт ҳаваси келар жуда ҳам,
Ўзалликка мангу бой менинг ўлкам.

Чарақлайди осмонида қуёши,
Нур сочади самодаги йўлдоши.
Баҳра олиб бунда кекса —ю ёши,
Ўзалликка мангу бой менинг ўлкам.

ДАДАЖОНИМСИЗ

Сўзингиздан доим бол томар,
Юзингиздан ҳар дам нур ёғар.
Сизга доим таъзимдадурман,
Меҳрибоним дадажонимсиз.

Сиз борсизки кўнгиллар ҳам чоғ,
Сиз туфайли бахтиёрдирмиз.
Сиз учун берадурмиз жон,
Меҳрибоним дадажонимсиз.

Бизларга сиз уқтириб доим,
Ҳаётнинг ул машаққатларин.

Сизни доим ҳурмат қиламиз,
Меҳрибоним дадажонимсиз.

Доим бахтли бўлинг дедингиз,
Бизнинг ғамимизни едингиз.
Ҳа не яхши бизга бердингиз.
Меҳрибоним дадажонимсиз.

ЎЗБЕКИСТОН

Мен туғилган ҳур гулистон,
Яшнаб турган боғ-у бўстон.
Қуёшлидир юртим менинг,
Порлайвергин, Ўзбекистон.

Сенда кўпдир миллатларинг,
Ҳар хил ирқ-у элатларинг.
Иноқ бўлсин одамларинг,
Бахтимдирсан, Ўзбекистон.

Сен тинчликнинг тарафдори,
Халқимизнинг ифтихори.
Яшнайвергин доим сен,
Тахтимдирсан, Ўзбекистон.

ОПАЖОНИМ

Доим ёнимда бўлган,
Ранжисам кўнглим олган.
Тўғри йўлга бошлаган,
Меҳрибондир опажоним.

Билмаганим ўргатган,
Тўғри сўзни сўзлатган.
Менга қўлқанот бўлган,
Меҳрибондир опажоним.

ҚИШЛОҒИМ ОДАМЛАРИ

Доим улар инокдир,
Бирдамликда ўртоқдир.
Соддадил меҳнаткашдир,
Қишлоғим одамлари.

Йиғлашса бизга йиғлаб,
Хатто бизга куларлар.
Доим юртимиз учун,
Қишлоғим одамлари.

Уйлари тор бўлсада,
Кўнгиллари кенг доим.
Меҳмонни ҳурмат қилар,
Қишлоғим одамлари.

Қозонда борин солар,
Меҳрини сизга берар.
Тозадир кўнгиллари,
Қишлоғим одамлари.

ЮРТИМ ТАБИАТИ ГЎЗАЛ

Шифобахшдир сувлари,
Тотлидир мевалари.
Меҳнаткаш одамлари,
Юртим табиати гўзал.

Сўлимдир ҳар гўшаси,
Сокин бўлар кечаси.
Нур сочади қуёши,
Юртим табиати гўзал.

Масжид-у мадрасалар,
Қад кўтарган бу ерда.
Донғи кетган оламга,
Юртим табиати гўзал.

МУНДАРИЖА

Шер билан чумоли.....	3
Баҳор яқин, баҳор яқин, дўстларим.....	5
Дуо қилинг, бувижон.....	6
Бу наврўздан берар дарак.....	7
Ўзбегимнинг қизларига.....	7
Кўклам ёмғири.....	8
Юртим кундан-кунга очмоқда чирой.....	9
Сумалақдир етти малак.....	10
Ҳорманг энди, деҳқон бобом.....	10
Юртимизга баҳор яқин.....	11
Биз келажак ёшларидирмиз.....	12
Қани энди орзумга етсам.....	13
Ватан, менинг қўрғонимсан.....	13
Гўзал менинг маҳаллам.....	14
Жонажон мактабимсан.....	15
Кўклам ўзин сепин ёйди.....	16
Илк сабоқни берган устозим.....	17
Яғонамсан, муқаддассан, Ватаним.....	18
Юртим қалқонидир ўшал йигитлар.....	18
Хурсанд ота-онамиз.....	19
Менинг ўлкам.....	20
Дадажонимсиз.....	20
Ўзбекистон.....	21
Опажоним.....	21
Қишлоғим одамлари.....	22
Юртим табиати гўзал.....	22

АДАБИЙ - БАДИИЙ НАШР

Севара КЕНЖАЕВА

КЎКЛАМ ЁМФИРИ

Мухаррир:	Ю. Зиёдов.
Техник муҳаррир:	Ч.Раҳмонов.
Мусахҳих:	Ю. Зиёдов.
Саҳифаловчи:	Ш.Алишер қизи.

Нашриёт лицензия № AI 139, 27.04.2009 йил.
Теришга 04. 03. 2013 йилда берилди. Босишга
11. 04. 2013 йилда рухсат этилди. Бичими 84x108_{1/32}
Офсет қоғози. FUT TAD гарнитураси. Офсет усулда
чоп этилди. Шартли босма табоғи 1,26. Нашр
босма табоғи 0,74. 25-2013-шартнома. 18 - буюртма.
125 нусхада. 24 бет. Эркин нархда.

«Насаф» нашриёти, 180118, Қарши шаҳри,
Мустақиллик шоҳкўчаси, 22-уй.

«Қаршиполиграфнашр» МЧЖда чоп этилди.
180118, Қарши шаҳри, Мустақиллик шоҳкўчаси,
22-уй.